

تورک یوردی

تورک ادبیاقلری مرکزی هیئت طر فندره نشر اولنور.

نومرو ۴

کانون ثانی ۱۳۴۱

جلد ۱

شون

تورک اوجاقلری شونی

تورک اوجاقلری مرکزی هیئت : بکن آی ظرفنده کی اجتماعنده موجور ، بابا اسکی ، ارکلی (قونیه) ، کرزه ، اربعه ، نیکده ، میلاس ، ملاطیه ، فتحیه ، طواس ، کنغری ، طربزون ، آقشهر ، دورکده آچیلان اوجاقلری تصدیق ایتدیکی کبی چورلو ، بارطین ، کیره سون ، اردو ، بایرامیچ ، بولی ، صرامیس ، بیله جک ، طاشکوپری ، آنای یازاری و بازار جقده آچیلما سنه تثبث ایدیلن اوجاقلر حقنده تدقیقاتده بولنمقده در . بووسیله ایله شیمدی یه قادیار آچیلوب ده فعالیتده بولنان اوجاقلری آشاغی یه قید ایدیورز :

آرتوین ، آطنه ، آفیون قره حصار ، آقچه شهر (قره دکنز) ، آقحصار (صاروخان) ، آقشهر ، آلاشهر ، آماسیه ، آنطالیه ، آنقره ، آیش ، آیدین ، آیوالق .

ادرمید ، ادرنه ، ازمیت ، ازمیر ، اربعه ، ارکلی (قره دکنز) ، ارکلی (قونیه) ، ارمنک ، استانبول ، اسکیشهر ، اکر دیر ، امد ، العزیز ، المالی ، اودممش ، اوزون کوپری ، اورله ، اولوبک ، اولوبورلو ، اینه بولی .

بابا اسکی ، بایکسری ، بایندر ، برغمه ، بروسه ، برهانیه ، بور ، بوردور ، بوز اوبوک ، بوز طغان ، بولدان ، بولی ، بوی آباد ، بیفا .

پالاموط (مفتیسا) .

ترمه ، تکفور طاغی ، تیره .

چال ، چشمه ، چاق قلعه ، چوروم ، چهارشنبه ، چینه .

خریوط ، خیره بولی .

دکزی ، دمیرچی ، دورک ، دینار .

ریزه .

زولفولداق .

سرای کوی (دکزی) ، سفر حصار (ازمیر) ، سکرکند ، سکود ، سلفکه ، سوکه ، سیاه ، سینوب ، سیواس ، سیوری حصار .

ساری قامیش ، صالحلی ، صندوقلی ، صوسفیرلی ، صوما ، صامسون .

طربزون ، طرسوس ، طواس ، طوسییه .

عربکیر ، عشاق .

غربی قره آغاچ (آبی بادم - دکزلی) .

فتحیه ، فوجہ عتیق .

قارص ، قرق کلیسا ، قرق آغاچ ، شرقی قره آغاچ ، قره جہ بک ، قره جہ صو (آبدین) ،
قره حصار شرقی ، قسطنیونی ، قصبہ ، قوش آطہ سی ، قولا ، قونیہ ، قیرشہر ، قیصری .
کدوس ، کرزہ ، کرماستی ، کرہ دہ ، کوتاہیہ ، کوردوس .
مدانیہ ، مدرنی ، مرسین ، مرعش ، مقنیا ، ملاطیہ ، منمن ، موجور ، موٹ ،
میلاس .

نازلی ، نوشہر ، نیف ، نیکدہ .

وان .

یالواج ، یکیشہر (ارطغرل) .

آنقرہ تورک اوجاخی : بکن آبدہ کی فیضی مساعیستہ بوآی دہ دوام ایتمشدہ . کانون

اولک بشنجی جمعہ کوئی معارف مفتشہرندن جواد بک طرفندن شرقی آناتولی حقندہ بر
قونفرانس ویرلدیکی کبی سینوب مبعوثی رضا نور بک دہ ۱۲ کانون اول جمعہ کوئی « مصرہ
تورکلر » موضوعندہ چوق مهم برقونفرانس ویرمشدر . ۱۸ کانون اول آقشای آقسرائ
مبعوثی بسیم آنالای بک طرفندن آناتولی و تورکلک عالمندہ کی مذہبہر حقندہ برقونفرانس ویرمشدر .
بو بولندہ علمی قونفرانسہر ترتیب ایدن اوجاخی بر طرفندن دہ محترم معلم و بولونیست ذکی
بکک ادارہ سندنہ ، سہ لرحہ دوام ایدن بر اہتمامہ تشدیدر دیکی کزیدہ کنجہرک ہر جمعہ
کوئی اوجاقدہ بر موسیقی مسامرہ سی ویرملرنی تأمین ایتمشدہ .

کرہ دہ تورک اوجاخی : بر سسنہک مساعیستہ صحی واجتہای قونفرانسہر اہمیت

ویرہرک اہالینک وبالخاصہ کنجہرکک فکری تعالیستہ خدمت ایتمشدہ . ینہ بومدت ظرفندہ
ترتیب ایندیکی مسامرہ لر حاصلاتندن معارفہ و ہلال احمرہ نقدی یاردینلردہ بولتمشدہ . بر
مملکت کتبخانہ سی تأسیستہ تشہت ایندیکی کبی ، کیجہ درسہری آچش و حکومت دائرہ لرنہ
ایشلری بولونان خلقہ زہ رہبرکک ایتمک ، استعالرینی یازمق خصوصندہ کی معاونتی دہ تأمین
ایتمک اوزرہ بولتمشدہ . بالخاصہ قائممقام حبیب بکک ژاندارمہ قوماندانی جواد بک ودای
زادہ مدحت بکک بو خصوصلردہ مادی ومعنوی بر چوق یاردینلری سہقت ایتمشدہ .

اوجاقلرک بکی ادارہ ہیئتہری :

بکی آجیلان کنفری اوجاخی ادارہ ہیئتہی آشاغیدہ کورولدیکی وجہلہ تشکیل ایدمرک
خعالیتہ باشلامشدہ .

رئیس : بیط تحسین ناہید بک ؛ کاتب : معلم حسن فہمی بک ، سرخص : مظاہد
یوز باشی کریم بک ؛ محاسبہ جی : دوکتور قدری بک ، اعضا : اورتا مکتب مدیری کمال
جناب ، مدیر معاونی مصطفی نامی ، معلملردن طیب نکار .

باليكس تورك ادجاشي اداره هيئتي :

رئيس : خسته خانه سرطبيبي دوكتور اكرم طوق بك ؛ مرخص : ارڪك معلم مكتبي
مدبري فوزي بك ؛ وزنه دار : خسته خانه امراض جلدیه متخصصي دوكتور محمد علي بك ؛
محاسبه جي : عثمانلي بانقه سي محاسبه جي سي احمد مدحت بك ؛ اعضا : بلديه اعضا سندن معلم
امين الدين ، تطبيقات مكتبي مدبري حليمي بك .

چهارشنبه تورك ادجاشي اداره هيئتي :

رئيس : زراعت رئيسي حاجي يونس اوغلي محمد ضيا بك ؛ كاتب : معلم جليل اوغلي
احسان عزت بك ؛ مرخص : معلم حاجي طورون اوغلي محمد بها ؛ محاسب : محاسبه
خصوصيه مأموري احمد اوغلي رضا ؛ وزنه دار : تجاردين آق حاجي حسين اوغلي صالح
ذك ؛ اعضا : معلم قاضي اوغلي كمال و محمد واصف اوغلي صلاح الدين بك .

قولا تورك ادجاشي اداره هيئتي :

رئيس : قره ابراهيم زاده عثمان نوري افندي ؛ كاتب : شكرجي زاده سيني افندي ؛
اعضا : طوسون زاده عبدالكريم ، حياتي زاده محمد ، خواججه جي زاده اديب ، دده زاده
امين افندي .

زونفولداق تورك ادجاشي : كچن آي زونفولداق زيارت ايدن آق چوره
اوغلي يوسف بك كندی شرفه تورك اوجاغنده ويريلن قونسرده قيمتلي بر خطابه
ايراد ايتشلردر كه ضبط ايديلن قسملريني عينا آشاغي يه درج ايدسيورز :
آرقاداشلر ،

بوراده ، بنده ايلك حاصل اولان انطباع ، بوملكتك بويوك براستقباله نامزد
اولديني در . بوراسي زمانمرك اك قيمتدار بر معدتي ؛ بوتون صنايعك محتاج اولديني
برغدايي حائر اولان بريردر . بلكه مملكتتمرك ديكر طرفلرنده ده بومعدن موجوددر .
فقط بوكون استثمار ايديلن ير ، همان بوساحه يه منحصردر . يالكز صنايعك دكل ،
بلكه مدنيتك ، بوتون شعشعسي ايله غرب مدنيتك تحصيلنده اك بويوك
عامل كومورددر .

بوحوضه ، كومورك بزم مملكتتمزده اك بول ، زنكين اوله رق بولونديني بر
قطعه در . بوني قسم اعظمي اعتباريله استثمار ايدنه لر اجنيلردر ، هر برشركتك
ماهيتني تعين ايدنه سرمايه اولديني ايچون سرمايه سي بزم المزده بولونمايان بر ويا

برقاج شرکتدر وحالا شو حوضه ده کوردیکم اک قوتل مؤسه : شرکت عثمانیه در .
 أفندیلر ، بن غرب سرمایه سنک تورکیه کیرمه سنه طرفدارم : فقط سرمایه
 تورک تابعیتی قبول ایدهدرک ، تعبیر دیکرله تورک منفعتنه تماماً توافق ایتک شرطیله
 (بالطبع سرمایه دارلرکده منفعتلری موجود اولق اوزره) کیرمیلدر . ان شالله
 شیمدیکی سرمایه لر بوشرائطی حائرلر .

فقط ، أفندیلر ، نه اولووسه اولسون سرمایه نکده بزم اولماسی استقبال ایچون
 آرزومز ، املمزدر . بونی کندیمنز ایچون برمفکوره اوله رق قبول ایتکلکمز ،
 سرمایه دارلرک کوجنه کیمه میلدر ، اجنبی سرمایه لردن استفاده ایده جکمز ، مجبورز .
 بوعمومی فکرلردن بالخاصه کنجلیکه ترتب ایدن برچوق وظیفه لر وارددر .
 کنجلیک ؛ فکریله ، سعیله ، مملکته شدت مربوطیتیله وفداکارلیقه استقبالدده ،
 یالکمز بو حوضه نک دکل ، بوتون حوضه لرک ، کرک فکری ، کرک مالی وصناعی
 جهتلردن استثمارینه مقتدر اولاجق درجه ده حاضر لائمالی در .

هیچ شبهه یوق که مملکتک حقیقی صاحبی اولقلغمز ، اولک صناعی ومالی
 قسمنه بالذات صاحب اولقلغمزی ایجاب ایددر .

أوته دن بری طاشیدیغم بر فکر ثابت وارددر : تورکیه نک استقلالی ، آنجیق تورکیه یی
 استثمار ایدهن سرمایه نک تورک اولماسیله قائمدر . دیکر استقلال ، آنجیق استقلال
 سیاسی اولابیلیر ؛ آنجیق و آنجیق استقلال ، استقلال اقتصادی در .

حتی بروسه تورک اوجاغنده ، یونانیلرک مغلوبیتلری صیراسنده ، برآز
 حاضر لائارق سویله دیکم بر خطابه ده : / تورکیه ، جهاد أصفردن جهاد اکبره
 انتقال ایتشددر ، دیمشدم . جهاد أصفردن مرادم ، اوعظم و چوق مظفریتلی محاربه مزدر ،
 اصل جهاد اکبر بزه حقیقی استقلال قازاندیراجاق اولان وداها چوق أفرادک ،
 بوتون مملکتک راوردو حالنده چالیشماسیله قابل حصول بولونان جهاد اقتصادی در .
 بوراده اونی کوزله کورونور و آل ایله طوتولور طرزده حس ایدیورسکمز .
 بز کنج ایکن اؤکمزده آچیلش بر ساحة مساعی واردی . فقط بزدن بر ،
 حتی ایکی بطن صوکر اکلن وطنداشلرک وظیفه سی وداها چوق وداها بویوکدر .

اوجاقلر بو خصوصده برنوع پيشدار مفرزه لری در . اوجاقلرده یاقین زمانلره
قادر ملی فکر ، ایده آل ، ادبی و فلسفی قسمنده تموج ایدیوردی . بوندن سوکرا
اقتصادی قسمنده تمرکز ایله ملی در .

تورك كنجلکی بو کون ، بولوندينی هر یرده ، اوجاقلرده طوپلانارق
اوراده ملی حیاتک تبارز ایتمه سنه چوق اوغراشمالی در .

بوراده ، بو کون کوردیکم بر ایکی مؤسسه یی تکرار کوزدن کچیریرسه ک
بونلر اشکال ظاهره سی ، حتی رقلری و حرفلریته قادر ملی می درلر ؟ اوراده
مستخدم اولان و امید ایدیورم که چوغی ده تورك اوجاغنه مقید بولونان آرقاداشر
استانبولده کی شرکتلرک هیچ برنده قالمایان بو شکلری تبدیله سعی ایتمیدر .

آفندیلر ، بو بلکه او قادر مهم بر کیفیت دکل : شکل ، خارجی بر ایشدر .
فقط کورو یورز که حالا بو نوع شرکتلرک دولته ، اهالی ایله ، مخبراتی تورجه
اولقی لازم کلدیکی حالده بو تمامیه تطبیق اولونمور ؛ عملیه ، اوسته باشیلره حتی
مهندسلره واریجه یه قادر احببی مؤسسه لرده چالیشانلر تورجه مزی چوق اهما
ایدیورلر ، اک بسیط « صفراءون » وارکن « زه رودیز » ، « ییقامق » وارکن
« لاووار » دیورلر . فی الحقیقه بوده ظاهر ی بر مسئله ؛ شو قادر که آفندیلر ،
بونک نتیجه سی اولارق لسانمز بوزولویور . تورك لسانک صفوتی ، تمیزلکی ،
تکاملی و کوزه لکی خصوصنده قیصقانچ اولمالی یر . بو خصوصده تورك اوجاغنک
وظیفه سی چوق مهمدر .

برده آکلایامیورم : دیورلر که اوسطه باشیلر خروات ، روم اولمازسه ایشلر
یورومز . حالبو که استانبولده تراموای ، الکتریک شرکتلری - تورك جمهوریتنک
تأسسندن سوکرا - بونلری تبدیل ایتدیلر ؛ بعضی مأموریتلری ، بعضی صناعی
ایشلری تورکلر یاپاماز ؛ دیرکن مجبوریته قارشیسنده استانبول شرکتلرینه بوکون
یوزده ۹۰ حتی ۹۵ تورك آلمشدر . برتورک مهندسی ، مناقیادن آشاغی دکلدر ،
اوندن داها اینی ایش کورو یور .

فقط آفندیلر ، حالا اسکی فکرلر دماغمزده اجرای تاثیر ایدیور . بعضی

آداملرک ، اکر یورغا کی افدی ایش آره سنده بولونمازسه ایش ایلری کیمهز ، دیدیکلرینی ایشیتدم و بوکا بنده چوق تعجب ایتدم .

تورک کنجلیکنه فعلاً بونک یا کلیش بر فکر اولدیغنی اثبات ایتک دوشمر . تورک کنجلیکی ، هر زرمیه و هر هانکی بروظیفه کیرنجه ، اوایشک اری اولدیغنی بالفعل کوسترملی و بوفاسد و همملری ابطال ایتیه چالیشمالی در . بوده تورک او جاقلرینک وظیفه سی در . فقط بونک ایچون یالکز سوز کفایت ایتمز . هر تورک کنجی ایچون کندندن اول اولانلره فائق ، غیور ، مقدم و انتظام پرور اولدیغنی فعلاً اظهار و اثبات ایتک لازمدر .

کنجلیک ، ادبی و فکری ساحه دن عملی و صناعی ساحه یه کچرک اقتصادی ، ایشلرده ، تورکلرک حقیقه — دکل اسکی برابر یا شادقلری غیر تورکلره نظراً — بلکه خارجدن کلش و بلکه اونلرک یرلری طوتولاماز ، ظن ایدلش آداملرک بیلر یرلرینه کچه بیلر جکلرینی اثبات ایتک ایچون شیعدیدن حاضر لانیرسه ، اوزمان شرکتلرده باشدن آشاغییه قادار بوتون مأمورین تورکلردن اولور . بوتقدیرده سرمایه نک قورقولان تأثیراتی هیچ قالمایابیلر ، تمتی بز آلمش ، ایشلری بز یامش اولورز . اونلرده وضع ایتدکلری سرمایه نک نمانسندن استفاده ایدمدرلر . فقط اوراده آنجق تورک دیلی و تورک یازیسی اولور .

زونغولداق تورک او جاغی بونی « غایه امل » بیلملی در . بوندن بر قاج س صو کرا بوتون بوراده بولونان او جاقلرک عمله سی ، مهندسسی تا مدیر عمومیت قادار بوتون مأمورین بزدن اولاجاق .. ایشته شیعدیدن بوصورتله چالیشاجاق بر تورک کنجلیکی یاراتاجاق برسی تأمین ایتلیدر . سزدن بونی تمی ایدمرم . ان شاه ، اوزمانه قادار بنده صاغ اولور ، تکرار کلیر و سزی تبریک ایلرم .